

¡BOMBA!

En sillones bien dispuestos
el SAT espera a Salinas;
ya faltan horas cansinas
para pagar sus impuestos



K'uintsil

Martes 20 de enero de 2026

CAMPECHE · YUCATÁN · QUINTANA ROO · AÑO 11 · NÚMERO 2646 · www.lajornadamaya.mx

Jo' k'aal ja'a'abo'ob yanak jnuxi' José Alfredo Jiménez



J o'oljeak 19 ti' eneroe',
tu chukaj jo' k'aal
ja'abo'ob úuchik u síijil
José Alfredo Jiménez,
juntúul ti' le máaxo'ob maas
jach tu chíikbeso'ob mexicoil
k'aay. Ti' yanchaj tu kaajil
Dolores Hidalgo, Guanajuato,
México, tu ja'abil 1926: Sa'at
u kuxtal tu k'iinil 23 ti'
noviembre ti' u ja'abil 1973 tu
noj kaajil Ciudad de México.

Pata'ab u k'aaba' beey
Rey de la Canción Ranchera,
ts'o'oke' maanal 300 u p'eel
k'aayo'ob tu beetaj. Le
je'elo'obo' óoli' tuláakal máax
k'ajóolmajl ichil paaxo'ob yaan
tu lu'umil México. Jayp'eel ti'
lelo'obo' leti' le je'oba': El Rey,
La Media Vuelta, El Jinete,
Si nos dejan, Las ciudades,
ichil uláak' ya'abach k'aayo'ob
tu síijsaj ti'al u chíikbesik
uláak' bix je'el u páajtal
u k'a'ayal ba'axo'ob yaan
ba'al u yil yéetel yaabilaj,
ba'ale' beyxan ok'om óol. Le
beetik jach k'ajóolta'an ichil
mexicoil miatsil.

Jiménez' káaj u k'aay tu
ja'abilo'ob 1940, meyajnaj
beey meseeróo ti' jump'eel
kúuchil janal yéetel k'aaynaj
ti' múuch' ooxtúul jpaaxo'ob
k'aaba'chaj Los Rebeldes,
ba'ale' maas jach k'ajóolta'ab
ka'aj k'uch jk'aay Miguel
Aceves Mejía, máax ka'aj
tu k'ajóoltaje', tu gráabartaj
u k'aay ti'al u tóoch'tik u
juumil u paax.

Ichl meyaj tu beetaj tu
kuxtale', chíimpol'ta'ab yéetel
jejeláas preemyo'ob, je'el bix
Premio Nacional de Artes
y Ciencias, tu jaatsilMúsica
Popular tu ja'abl 1960.
Ts'o'oke' táakbesa'ab Salón de
la Fama de los Compositores
Latinos tu ja'abil 2006.

Oochel Museo José
Alfredo Jiménez